

آبونه شرائطی

ممالك عثمانیه ده سنه لکی (۶۵)، آلتی
آیلغی (۳۵) غروشدر.
ممالك اجنیه ده سنه لکی (۸۰)، آلتی
آیلغی (۴۵) غروشدر.

اداره خانه

باب عالی جاده سننده دائرة مخصوصه

اخطارات

آبونه بدلی پشیندر.

مسلكه موافق آثار مع المومنه قبول
اولنور . درج ابدله یزیر اعاده
اولونماز .

الکلیات

۱۳۳۴

دینی ، فلسفی ، علمی ، ادبی هفتعلق مجموعه اسلامیه در

صاحب و مدیر مسئول

باش محرر

اشرف الیوب

محمد شا کف

والله یهدی من یشاء الی صراط مستقیم

اتبعون اهدکم سبیل الرشاد

تفسیر قرآن کریم

مقدمه

قرآن کریم در غرض فطری

قرآن کریم نزول ایتدییکی زمان ساحه ارضك هر طرفنده انسانلر بری خواص، دیکری عوام اولوق اوزره ایکی طبقه یه منقسم بولمقده؛ حکومت موجوده نك قوانین و نظامانی ده طبقه خواصك دوننده بولنان هر فردی حقوق و وظائف اعتباریه انارك مادوننده طایفه ایدی. بوندن جرأت آلان کروه خواص او بیچاره لری اسیر مقامنده قولانیور، بتون ایشارنده انلری استخدام ایتمکه برابر عرضاری، اسباب معیشتلری، بتون ماملکلی کنیدی لری ایچون مباح عد ایدیورلر ایدی. عوامدن هیچ بر فرد خواصدن اولانلردن قصاص طلب ایتک، بر مسئله ده انکه مناقشه و مجادله ایده بیلیمک، یا خود برحق ایسته مک صلاحیت و اقتدارینی حائز دکلدی. قرآنك نزولی رأفت عامه، اخوت حقیقیه یی تأسیس ایتمکه برابر بشریتك آفاق سائرهنده ثروت و رفاه، لون، لسان، شرف عائله و مرتبه اجتماعی، مدار تمایز و رجحان عدایدن قوانینی ده اساسندن صارصدی. «ان اکرمکم عندالله اتقاکم». شوقدر وارکه بومساوات بدایه یالکز (محمد) صلی الله علیه وسلمه ایمان، اکا نازل اولان نورمینه اتباع ایدن ام اسلامیه ارهنده سرعته انکشاف ایده بیلیمشدر. چونکه عالم بشریت قرآنك نزولندن اول سیاست ائمه عدل و مساواتك بر ضرورت اجتماعی اولدیغی تقدیر ایده بیلیمک حال و موقعده بولنیورایدی.

کذلک قرآن حکیم دساتیر عدل و رأفتی بیان و ایضاح ایتدکدن صکره بین الافراد حقوق عامه ده انصاف و مساوات میزانی اهل قرآن خارجنده قائم اوله مدی.

وسعت نفوذ و اقتداره، فسحت دیاره مالک اولان بو کونکی امتلر ارهنده آلان احکام و معاملاتنده عرق ابیض له عرق اسودی، حتی بتون شرق عالمی ایله غربی تفریق ایدنلر موجود اولدیغی ادعا ایدرسه ک فکر و ادعای مزده افراط ایتش عد ایدلیه جکمزدن امیز. حتی بونلر میاننده اجناس بشریه نك بنیه لرینک ترکیبی، مزاجلرینک تألیفی، دماغلرینک مقداری اعتباریه طوائف بشریه ارهنده حصول تفاوتی ضروری کورن، تفاضلی ناقابل اجتناب کوسترمک ایچون، جمعیات بشریه دن هر برینه بر طاقم خواص و مزایا بخش ایدره ک بو صورتله بر امتك دیگر امته خاص اولان مزایایه ال اوزاتمسه، بر فرقهنک دیگر فرقیه بخش ایدلش اولان مواهب فطرتدن استفاده یه

قالقشمه سینه مانع اولوق اوزره کنیش بر برزخ وجوده کتیرمش علمایه مالک اولانلرده وارد.

عجبا بو جاهل مستبدلرک مرتبه ادراکی، عربله عجیبی عینی سویه ده کورن، زنجیرله بیاضلرک حقوقی تألیف، انساب ایله مفاخره، ثروت و رفاه ایله مفاضله یی اساسندن محو ایدن قران حکیمک رتبه بلند تقریرینه نسبتله زرده قالیر؟

انلرک مسائل جنائیه ده حکمدارلره بشریتك فوقنده بر پایه ویرن، انلری مخاصمه و قصاص امنیه لرینک ایریشه میه جکی بر مرتبه بالاترینده طوتان احکام قانونیه لرله، مملوک ایله ملکه، امرا ایله اصنافه عینی صورتله اقامه حدودی متحتم قیلان، ایجاب معدلته مستند اولمقده بر زنکینی بر فقیر اوزرینه رفع و تقدیم، حق لزوم کوسترمکجه بر ضعیفه قارشی بر قوی یه مظاهرنی هیچ بر وقت تجویز ایتیان کتاب کریمک احکام عادلانه سی ارهنده فصل نسبت تصور اولنه بیلیر؟

عجبا رسول علیه السلام نفسنده، یا خود اقارب و اصحابندن برنده دیکر لرندن فضله بر مزیت کورمک، یا خود دیکر لری حقنده ویرمدیکی بر حکمی انک حقنده انفاذ ایتک کبی بر حالک صدوری کورولش بر شیمیدر؟ او رسول کزین که مرض موتنده فضل بن عباس ایله علی بن ابی طالبه دایانه رق مسجد کتمش، منبر سعادته حیقاروق شو خطبه یی ایراد ایتش ایدی: «ایها الناس من کنت جلالت له ظهراً فهذا ظهري فليستقدني ومن کنت شمت له عرضاً فهذا عرضي فليستقدني» و من اخذت له مالا فهذا مالي فليأخذمنه ولا يخشي الشخفاء من قبلي فانها ليست من شأني = ای ناس، من کیمک ارقه سینه بر دکنک اوردم ایسه، ایشته آرقم، اوده بکا اورسون. کیمک عرضنه سب ایتدسه، ایشته عرضم، اوده عینیه مقابله ایدرک حقنی آلسون. کیمک مالی آلدسه، ایشته مالم، اوده آلسون و کنینه قارشی کین و عداوت پیدا ایدم جکمدن قورقماسین. چونکه او، بنم شامدن دکلد.

ینه رسول اکرم صلی الله علیه وسلم ارتکاب سرقت ایدن مخزومیه حادثه سنده شو خطبه یی ایراد ایتشدی: «انما اهلك الذين من قلبكم انهم كانوا اذا سرق فيهم الشريف تركوه و اذا سرق فيهم الضعيف اقاموا الحد عليه». و ایم الله لوان فاطمة بنت محمد سرقت لقطعت يدها = سزدن اولکیلرک هلاک ایدلرینه سبب شو ایدی که، ایچلرندن شریف برکسه سرقت ایدرسه بر اقیلر، ضعیف برکسه سرقت ایدرسه اوزرنده حدی اقامه ایدرلر ایدی. الله یمین ایدرم که (محمد) صلی الله علیه وسلمک قیزی فاطمه بیله ارتکاب سرقت ایتسه الی کرم. قرآن حکیم انسانلر ارهنده اظهار مفخرت، ادعای رجحان و

سلفیه نظر بدعی ایاه اراده بدعیه دن اعراض ایتدکرندن انلرک افکار و معتقداتند بدعت بولنه ماز. فقط متکلمین نظر شرعی ایاه نظر بدعی بی فرق ایتدکرندن و اراده جانبندن اعراض ایتدکرندن انلرک افکار و معتقداتند بدعت وضالات بولنه بیلیر. نته کیم متکلمین باشلیجه ایکی فرقه یه آریلیر: اهل سنت، اهل بدعت. بونک کبی متصوفده اراده شرعی ایاه اراده بدعیه بی تفریق ایتیوب علم جانبی اهاک ایتدکرندن انلرک ده افکار و معتقداتند بدعت وضالات بولنه بیلیر. نته کیم متصوفده باشلیجه ایکی فرقه یه آریلیر: سادات، غلاة.

ذکر اولان مسالک ثلثه نک نتایج علمیه لرینی بیان ایدلم.

سلفیه نک نتایج علمیه سی:

(۱) اعمال ظاهره و باطنیه اعتنا. — هم اعمال ظاهریه، هم اعمال قلوبیه سنت سنیه اوزره اعتنا ایتک لازمدر.

بناء علیه مفسدت خالصه و یا راجحه بی متضمن اولان چاره لر، ابطال حقّه مؤدی اولان چاره لر، واجبی اسقاط ایدن چاره لر، اللهک حلال قیلدینی شیئی حرام قیلان و یا حرام قیلدینی شیئی حلال قیلان چاره لر باطلدر، هیچ بروجهله جائز دکلدرد.

(۲) نظردر کتاب سنّه تمسک. — نظردر کتاب وسنّه تمسک ایتک لازمدر. بناء علیه احکام دینیّه مجرد ظن و تخمین، نصوص صریحیه رد و تحریفه مؤدی اولان نظر و قیاسلر اصلاً جائز دکلدرد.

(۳) امر و نهی التزام. — معصیت ایاه طاعت اره سنی فرق ایتک لازمدر. بناء علیه توحید ایه اشراک، اولیاء الله ایه اعداء الله، حضرت موسی علیه السلام ایه فرعون، حضرت محمد علیه الصلوٰه والسلام ایه ابوجهل اره سنده فرق واردر. مستحسن ایاه مستقبح آیری در؛ مستحسن اولانه محبت، مستقبح اولانه نفرت اولنور؛ مستحسن امر اولونش، مستقبح نهی اولونشدر.

(۴) مبالغه ایدر مخلوق اره سنده فروغ. — خالق بشقه، مخلوق بشقه در. تحقیقی ارتان کیمسه نک الله محبتی، عبودیتی، اطاعتی، ماسویه حریتی، غیره اولان محبتدن، عبودیتدن، اطاعتدن اعراضی آرتار.

(۵) محبتدر رسول زبانه اتباع؛ انصوص و نهی. — محبت طاعتی و ترک مخالفتی اراده دن عبارتدر. بناء علیه کیمکه محبت ادعا ایدردر رسوله اتباع ایتزسه کاذبدر. بونک محبتی الله ایچون دکلدرد. بلکه محبتی هوا ایچوندر، عادتاً شرکدر. اگر محبتده اخلاص اولمش اولسیدی آنحق اللهک سودیکنی سور، رسول اگر مه اتباع ایدر ایدی. مادام که محبت دعوا سنده بولونمقله برابر رسول اگر مک بغض ایتدیکی کیمسه بی ده سویور، آنک محبتده مشرکینک محبتی کبی بر محبت واردر. مرید الله، محبت الله اتباع رسولی، امر ایتدیکی شی ایاه عملی، نهی ایتدیکنی ترکی قصد ایتزسه محبتده مشرکینک

مزیت ایچون خیراته سبق و انهماکی، تقوایه تمسکی مدار اتخاذا ایشدر. بر کوله افدیسنک خانه سندن ذلیل و حقیر اوله رقی چیقار، اسلامه داخل اولوبده آیات قرآنیّه نک ناطق اولدینی اسباب رشد و سداده توسل ایتدیمی؛ فضل تقدم سایه سنده ابا عن جد مجد و شرفی توارث ایتش، نفوذ و قدرته کوچک بیوک هر فردی سر فرو ایتدیرمش اولانلرک فوقده بر موقع عز و شرف احراز ایدر ایدی.

خلاصه قرآن حکیم سایه سنده ابنای آدم آره سنده دعائم مساوات پیدای استقرار ایتش، انسانلر حوزه اسلامه داخل و ربوبیتی، دائره تکلیفدن ترفع و تعالی بی انحق الله ذوالجلاله افراد و تخصیص ایدن بر کتاب کریمک عبادات و معاملاتده مساواته رعایتی آمر اولان احکامنه منقاد بولندجه نسب، لون، وطن کبی شیرک مدار رجحان اوله بیلیمک ایچون هیچ بر حکم و تأثیری قالمشدر.

اشراف و امرا حکومتلرینک عصرلردنبری نفوذ و تحکمری التدد از مکده اولدقلری اقوام خرسینییه، قرآنک هنکام نزولنده دین اسلام ایاه تشرف و انک فروغ هدایتیه تنویر بصیرته موفق اولیدیلر سادات و کبرا آره سنده بر متاع ناجیز کبی الدن الله طولاشمازلر؛ قرآنسه اختلال کیرینک، بر جوق نقصانیله برابر، قراندرمش اولدینی نعم حریتدن، پک جوق عصرلر اول، استفاده یه باشلامش اولورلر ایدی.

عبدالعزیز چاویش

متجی: محمد شوکت

اسلامده فلسفه

«۲۰»

متکلمین، متصوفه و سلفیه نک نقطه نظرلری

اهل انظار اولان متکلمین ایاه اهل اراده و محبت اولان متصوفه نک؛ نظر، اراده و محبتی جمع ایدن سلفیه نک نقطه نظرلری آیری اولدینندن بالضروره آرهلرنده اختلاف ظهور ایدیور.

علم و اراده بی جمع ایدنلرک نقطه نظرلری: نه علم، نه اراده جانبی اصلاً اهاک ایتیوب نظر شرعی ایاه نظر بدعی ینتی تفریق، نظر شرعی یه تعظیم، نظر بدعی دن اعراض ایتک؛ اراده شرعی ایاه اراده بدعیه بی تفریق، اراده شرعی یه تعظیم، اراده بدعی دن اعراض ایتکدر. اهل انظارک نقطه نظرلری: اراده دن اعراض ایتک، یالکمز نشر شرعی بی التزام ایتیوب علی الاطلاق انظاره عطف اهمیت ایتکدر. اهل اراده نک نقطه نظرلری: اراده قلبه تعظیم، هوایی ذم، علی الاطلاق اراده یه عطف اهمیت ایدوب اراده شرعی ایاه اراده بدعیه ینتی فرق ایتمه مکدر.

«۲۰» بویخت بر قاج مقاله دوام ایدمکدر.